

ՊԱՏՄԱԺԱՐՏԱՐԱՊԵՏԱԿԱՆ
ՅՈՒՇԱՐՁԱՆՆԵՐԻ ՎԵՐԱԿԱՆԳՆՄԱՆ,
ԱՄՐԱԿԱՅՄԱՆ ԵՒ ՎԵՐՕԳՏԱԳՈՐԾՄԱՆ
ՆԱԽԱԳԾԵՐՈՒՄ ԿՈՆՍՏՐՈՒԿՏԻԻ
ՀԱՄԱԿԱՐԳԵՐԻ ՀԱՇՈՒԱՐԿՄԱՆ
ԿԱՐԵԻՈՐՈՒԹԻՒՆԸ

Պատմաճարտարապետական յուշարձան շէնքերը եւ կառոյցները կարեւոր դեր ունեն իւրաքանչիւր ազգի ինքնորոշման եւ ինքնահաստատման գործում: Բացի այդ, դրանք համարւում են նաեւ համաշխարհային մշակութային ժառանգութեան մնայուն արժէքներ, որոնք ստեղծուել են մարդու ճարտարապետական եւ ինժեներա-շինարարական համատեղ գործունէութեան արդիւնքում: Մեր օրերում մշակութային ժառանգութեան պահպանումը ողջ աշխարհում հանդիսանում է կարեւոր հարցերից մէկը, որի լուծման ուղիները, կարծում ենք, նախ եւ առաջ հարկաւոր է փնտռել ճարտարապետական եւ շինարարական գիտութիւնների բնագաւառում:

Նշենք, որ ճարտարապետական յուշարձանների պահպանումը ոչ միայն դրանց փաստացի պահպանումն ու խելամիտ օգտագործումն է, այլ նաեւ ամրակայումն ու վերականգնումն է: Հարկ է նշել, որ պատմաճարտարապետական յուշարձանների ամրակայումը եւ վերականգնումը տարբերւում է սովորական կառոյցների ամրակայումից, քանի որ յուշարձանների դէպքում կարեւոր պայմաններից մէկն է յուշարձանի իսկութեան պահպանումը: Վերջինս բաւականին բարդեցնում է յուշարձան շէնքերի եւ կառոյցների համար նախագծման աշխատանքները:

Կիրառելով գիտութեան աննախադէպ առաջընթացով պայմանաւորուած վերջին նուաճումները, տարէց տարի տուեալ ուղղութեամբ աշխատանքային մօտեցումները կատարելագործւում են, սակայն առաջանում են նաեւ նոր խնդիրներ, որոնցից են օրինակ՝ հերթական ոչ այդքան ճիշտ կատարուած ամրակայման

ու վերականգնման աշխատանքները: Յաճախակի յուշարձան շէնքերի եւ կառույցների ընթացիկ վիճակի պահպանման կամ վերանորոգման ու վերականգնման համար կայացուած որոշումները խաթարում են դրանց բնական նիւթերի յատկութիւնների եւ սկզբնական ճարտարապետական յորինուածքի պահպանումը, ինչպէս նաեւ պատմական ու նոր լանդշաֆտի ներդաշնակութիւնը: Իսկ հիմքերի եւ կրող կոնստրուկցիաների ուժեղացման ժամանակ ընտրուած շինարարական նիւթերը եւ տեխնիկական լուծումները, շատ դէպքերում, համակարգուած ու այդքան էլ ռացիոնալ չեն:

Հայաստանի Հանրապետութիւնում, մասնաւորապէս, տրւեալ ոլորտի խնդիրների մեծամասնութիւնը պայմանաւորուած է պատմաճարտարապետական յուշարձանների նախագծային աշխատանքներում կոնստրուկտիւ եւ տեխնոլոգիական լուծումների ոչ բաւարար լինելով, որոշ դէպքերում էլ կառույցների կրող համակարգերի թուային վերլուծութեան բացակայութեամբ:

Յուշարձանների վերականգնման եւ ուժեղացման ժամանակ տեսակէտների դիտական հիմնաւորումների ներդրումը էականորէն կը բարելաւեն ճարտարապետա-ինժեներական վերականգնման կոնստրուկտորա-տեխնոլոգիական լուծումները: Հակառակ դէպքում, անգամ վթարային վիճակների վերացումը, յետագայում կարող է ճարտարապետական ժառանգութեան պահպանման հիմնական սկզբունքների հետ լուրջ հակասութիւնների բերել: Յուշարձանների վերականգնողական աշխատանքների ինչպէս հայրենական, այնպէս էլ արտասահմանեան պատմութեան մէջ յայտնի են բազմաթիւ նմանօրինակ սխալներ, որոնք առաջացել են ճարտարապետա-ինժեներական կամ տեխնոլոգիական առումներով խնդիրները թերազնահատելու հետեւանքով:

Ուստի, յուշարձան շէնքերի եւ կառույցների պահպանման, վերականգնման եւ ուժեղացման ռացիոնալ եւ դրանց համար թոյլատրելի տարբերակների մշակման ժամանակ անրաժեշտ է խնդիրը հաւասարազօր դիտարկել հետեւեալ ասպարէզներում՝

- պատմական,
- ճարտարապետական,
- ինժեներա-կոնստրուկտորական:

Միայն վերջինիս դէպքում հնարաւոր է դառնում յուշարձան շէնքերի եւ կառույցների համար կատարել գրադէտ եւ անվնաս միջամտումներ:

Ստորեւ աւելի մանրամասն դիտարկենք յուշարձան շէնքերի եւ կառույցների ամրակայման եւ վերականգնման ժամանակ առաջ եկող հարցերը եւ խնդիրները:

Ինժեներական տեսանկիւնից հարցը ճիշտ դիտարկելու համար ՀՀ տարածքի յուշարձանների համար առաւել կարեւոր է տարբեր բեռնուածքների, այդ թւում նաեւ սեյսմիկ ազդեցութեան դէպքում հնարաւորինս ճիշտ պարզել կառույցների կրող համակարգերի լարուածա-դեֆորմացիոն վիճակը, կոնստրուկցիաներում ազդող բեռների փոփոխութիւնը կամ վերաբաշխումը, ինչպէս նաեւ, որոշ դէպքերում, նաեւ նախազօային սխալները: Վերջինս շատ կարեւոր է եւ ակտուալ, քանի որ ՀՀ-ի ողջ տարածքը գտնւում է սեյսմակտիւ գօտում:


Մեր երկրի պատմաճարտարապետական իւրաքանչիւր յուշարձան առանձնայատուկ է եւ չկրկնուող, եւ մենք պատասխանատու ենք մեզ հասած իւրաքանչիւր յուշարձանի պահպանման համար: Հետեւաբար, առաջադրուած խնդիրների լուծումը չի կարող լինել ընդհանուր բոլոր յուշարձան շէնքերի եւ կառույցների համար: Հաշուի առնելով, որ ՀՀ-ի ճարտարապետական յուշարձանները զարմացնում են իրենց ինչպէս ծաւալայատակազօային, այնպէս էլ կոնստրուկտիւ լուծումների բազմազանութեամբ, աշխատանքում առաջարկւում է ընտրել համակարգուած մի մեթոդ որով կարելի է առաջնորդուել տարբեր ժամանակաշրջանների, կառուցման տեխնիկայի, կոնստրուկցիոն նիւթերի եւ, ի հարկէ, նշանակութեան շէնքերի եւ կառույցների վերականգնման եւ ամրակայման կոնստրուկտորա-տեխնոլոգիական նախազօծեր մշակելիս: Մեթոդի հուլիւնն է՝ կառույցների ինժեներա-կոնստրուկտորական նախազօծերում յստակ փուլերի եւ դրոյթների սահմանումը:

Ուժեղացման եւ ամրակայման նախազօծերում սահմանուած պարտադիր փուլերի հիմնական նպատակն է հանդիսանում ՀՀ-ի տարածքի պատմաճարտարապետական յուշարձան շէնքերի համար, հաշուի առնելով սեյսմիկ ազդեցութիւնը եւ կիրառելով համատեղելի շինարարական նիւթեր եւ տեխնոլոգիաներ, միեւնոյն ժամանակ, չխաթարելով յուշարձանի գտնուելու բնական միջավայրը, հնարաւորին չափ նուազագոյն միջամտումներով, մշակել պահպանման, վերականգնման եւ ուժեղացման ռացիոնալ սկզբունքներ, որոնք չեն հակասի միջազգային ընդունուած կանոններին: Վերջինս միտուած է ՀՀ-ի մշակութային ժառանգութեան պահպանման խնդիրները ճարտարապետա-ինժեներական տեսանկիւնից լուծելու համար:

Գիտականորեն հիմնաւորուած նախագծային լուծումները, որոնք ներառում են տեսական հիմնաւորումներ եւ ինժեներային հաշուարկային մեթոդներ պատմական յուշարձան շէնքերի եւ կառույցների համար կոնստրուկտիւ լուծումների առաջարկման, եւ իրականացման ժամանակ բաւականին պարզութիւն կը ներմուծեն տուեալ բնագաւառ:

Այդ առումով առանձնակի հետաքրքիր է Շաղատ գիւղի Ս. Գեորգ եկեղեցու վերականգնման նախագիծը, որտեղ հարցը դիտարկուել է ինչպէս ճարտարապետական, այնպէս էլ ինժեներական ուղղութիւններով:

Ս. Գեորգ եկեղեցու վերականգնման նախագծի համար կատարուած ինժեներական ուսումնասիրութիւնից մի փոքր հատուած ներկայացուած է (Նկար 1-8)-ում:



Նկար 1. Շաղատ գիւղի Սր. Գեորգ եկեղեցու իրական տեսքը եւ դրա հաշուարկային մոդելը՝ կազմուած Lira 9.6 վերջաւոր տարրերի հիմքով աշխատող ծրագրով:


Ելակետային տուեալների վերլուծութեան արդիւնքում պարզուել է, որ եկեղեցու պատերի եւ միւս կրող տարրերի վրայ առկայ են բազմաթիւ եւ տարաբնոյթ ճաքեր եւ ճեղքեր: Դրանց բացուածքի լայնութիւնը հինականում մինչեւ 2 սմ. է, սակայն առանձին դէպքերում հասնում է մինչեւ 10 սմ.: Կառույցում դիտուում են պատերի միմեանց նկատմամբ «հեռացումներ» եւ այլ դեֆորմացիաներ, երբեմն էլ նկատուում են հիմքերի քարերի տեղաշարժեր: Եկեղեցու պատերի կրաշաղախը որոշ հատուածներում քայքայուած եւ հողմնահարուած է:

Եկեղեցու հաշուարկները կատարուել են այն պայմանով, որ կառույցի պատերի ճաքերը եւ ճեղքերը յուսալի ներարկուել են կրաշաղախով, հեռացումները ամրացուել են, իսկ քայքայուած կրաշաղախի հատուածները վերանորոգուել են եւ փոխարինուել են նորերով:


Եկեղեցու թուակին վերլուծութիւնը կատարուել է պարզեւ լու համար տուեալ կառույցի կրող համակարգի յուսալիութիւնը

սեփական զանգուածից, ինչպէս նաեւ սեյսմիկ ազդեցութիւնից: Որոշուել են գոյութիւն ունեցող պատերում առաջացող լարումները մեծութիւնները:


Կառոյցի հաշուարկային արդիւնքներով հաստատուել է, որ հաշուարկային սեյսմիկ ազդեցութեան դէպքում կառոյցի կրող համակարգը, անգամ ամրակայման աշխատանքներից յետոյ, կը գտնուի ոչ բաւարար վիճակում՝ կառոյցի զանգակատունը կիլուզուի, իսկ կրող պատերում կ'առաջանան ճաքեր եւ վնասուածքներ:




Նկար 2. Սեփական հաշուարկային տուեալները մշտական բեռնուածքի ազդեցութիւնից:



Նկար 3. Սեփական հաշուարկային տուեալները X առանցքով հորիզոնական սեյսմիկ բեռնուածքի ազդեցութիւնից:



Նկար 4. Սկելեցնու հաշուարկային տուեալները Y առանցքով հորիզոնական սեյսմիկ բեռնուածքի ազդեցութիւնից:




Նկար 5. Սկելեցնու հաշուարկային տուեալները Z առանցքով ուղղահայեաց սեյսմիկ բեռնուածքի ազդեցութիւնից:

Կառույցի կրող համակարգի համապատասխանեցումը հաշուարկային սեյսմիկ բեռնուածքին հնարաւոր է միայն դրա հաշուարկային սխեմայի փոփոխման արդիւնքում՝ գոյութիւն ունեցողի բեռնաթափման շնորհիւ, այսինքն երկաթբետոնէ կրող

կոնստրուկցիաներով ուժեղացնելու եւ ներկայ կրող համակարգը բեռնաթափելու միջոցով:

Հաշուարկային արդիւնքների վերլուծութիւնից պարզ դարձաւ նաեւ կոնստրուկցիաների իրական լարուածա-դեֆորմացիոն վիճակը, հետեւաբար, եւ դրանց վթարային վիճակում գտնուելու հիմնական պատճառներն ու դրանց արդիւնաւէտ լուծման ուղիները, որոնցից մէկը հանդիսացաւ կառույցի կրող համակարգի աշխատանքային սխեմայի փոփոխումը:


Ստորեւ ներկայացուած են առաջարկուած կոնստրուկտորական լուծումները, որոնք յուշարձանի համար վերացնում են վթարային վիճակը եւ թոյլ են տալիս կառույցին դիմակայել աւելի փոքր ուժգնութեան երկրաշարժերին (Նկար 6-8):




Նկար 6. Նկեղեցու հիմքերի ուժեղացումը:

Նշենք, որ ճարտարապետական կոթողների հաշուարկման ժամանակ կրող համակարգի մոդելաւորուած տարբերակի ճիշտ մաթեմատիկական նկարագրումը որոշիչ է կոնստրուկցիաների հատուածքների իրական կոչտութիւնը պարզելու եւ դրանց համար աւելի յուսալի համակարգ նախագծելու համար: Աւելացնենք նաեւ, որ յուշարձանների ամրակայման ժամանակ այնքան

էլ կիրառելի չեն սովորական կառույցներում օգտագործվող ալանդական մեթոդները եւ նիւթերը, քանի որ հնագոյն կառույցներում անհրաժեշտ է հաշուի առնել նաեւ նիւթերի համատեղելիութեան պահանջները:



Նկար 7. Եկեղեցու պատերի ամրակայումը ձգամներով




Նկար 8. Ձգամների համադրյալների կոմստրուկտուրումը


Վերը նշուած ինժեներա-կոնստրուկտորական նախագծման առաջարկուող մեթոդի տարբեր փուլերը մանրամասն դիտարկենք Աղջոց վանքի Սուրբ Ստեփանոս եկեղեցու մասնակի վերականգնման եւ վերօգտագործման նախագծի օրինակով: Նախագիծը կատարուել է Միլանի պոլիտեխնիկի եւ Երեւանի ճարտարապետութեան եւ շինարարութեան պետական համալսարանի համատեղ կազմակերպած Վարպետաց դասընթացների շրջանակներում (ճարտարապետներ Լիա Խաչիկեան, Աւետիք Վարդա-

նեան, ինժեներ-կոնստրուկտոր Լուսինէ Կարապետեան): Նախագիծը ամբողջութեամբ բաղկացած է եօթ բաժիններից՝ պատմական ուսումնասիրութիւն, չափազրութիւն, նիւթերի ուսումնասիրութիւն, նիւթերի քայքայումների հետազոտում, ինժեներա-կոնստրուկտորական թուային վերլուծութիւն, ամրակայում եւ սեյսմազինուածութեան աստիճանի բարձրացում ու յուշարձանի վերօգտագործում:


Նկար 9-29-ում ներկայացուած է Սուրբ Ստեփանոս եկեղեցու համար առաջարկուող փուլերով կատարուած ինժեներա-կոնստրուկտորական հետազոտութիւնները:




Նկար 9. Աղջոց վանքի գլխաւոր նկարագիրը:




Նկար 10. Վանքի գտնուելու սեյսմոտեկտոնիկ եւ սեյսմիկ բնութագիրը:




Նկար 11. Հետազոտման հիմնական խնդիրները:




Նկար 12. Վանքի ուսումնասիրուող մասի ընտրութեան հիմնադրումը:




Նկար 13. Աղյոց վանքի կառուցման կոնստրուկտի առանձնաչափությունները:




Նկար 14. Աղջոց վանքի կոնստրուկտի ճախերի ուսումնասիրություն:




Նկար 15. Կառույցի արտաքին և ներքին կողմ տարրերը մակրոէլեմենտներով:




Նկար 16. Սուրբ Ստեփանոս եկեղեցու հաշվարկային մոդելը և ելակետային տուևալները:




Նկար 17. Հաշուարկային տուեալները ստատիկ բեռնումովի ազդեցությամբ:




Նկար 18. Հաշուարկը X առանցքով ազդող հորիզոնական սեյսմիկ բեռնումովի:




Նկար 19. Հաշուարկը Y առանցքով ազդող հորիզոնական սեյսմիկ բեռնումովի:




Նկար 20. Հաշուարկը ըստ Z առանցքով ազդող ուղղահայեաց սեյսմիկ բեռնումածից:




Նկար 21. Կառույցի թուային վերլուծութիւնը կինեմատիկ եղանակով:




Նկար 22. Կինեմատիկ եղանակով հաշուարկի հիմնական դրոյթները:




Նկար 23. Կառույցի կինեմատիկ մոդելը:




Նկար 24. Կինեմատիկ եղանակով կատարուած հաշուարկի արդիւնքները:




Նկար 25. Վերականգնման առաջարկուող տարրերակը եւ դրա հիմնադրումը:



Նկար 26. Թուային վերլուծութիւնը առաջարկուող տարրերակի համար:




Նկար 27. Թուային վերլուծութեան արդիւնքները:



Նկար 28. Ընդհանուր եզրայանգումներ կատարուած հետազոտման վերաբերեալ:

Հաշուարկային հետազոտությունների հիման վրայ Սուրբ Ստեփանոս եկեղեցու համար զնահատուել է սեյսմիկ վտանգը դրա մասնակի վերականգնումից յետոյ, ինչպէս նաեւ սեյսմիկ վտանգի փոքրացումը տուեալ կառոյցի համար առաջարկուած միջոցառումներից յետոյ, նաեւ առաջարկուել են կառոյցի պահպանման համար անհրաժեշտ միջամտումներ (նկար 29):



Նկար 29. Յուշարձանի համար առաջարկուող միջամտումները եւ նոր ծածկի ամրակայման սխեման ու հանգույցները:

Ընդհանուր առմամբ վերը ներկայացուած նախագծում կատարուել են դիտարկուած ելակետային տուեալների արձանագրում, բացայայտուած քայքայումների եւ թուլացումների քանակական եւ որակական զնահատում, որից յետոյ իրականացուել է ներկայ վիճակի եւ արխիւային նիւթերի համեմատութիւն՝ նշելով կառոյցներում տարիների ընթացքում տեղի ունեցած փոփոխութիւնները եւ ձեւափոխութիւնները ու դրանց առաջացման հաւանական պատճառները:

Յաջորդ փուլում իրականացուել է յուշարձանի կրող համակարգի թուլային ուսումնասիրութիւններ, այսինքն պարզուել է դրա կոնստրուկցիաների լարուածադեֆորմացիոն վիճակը, ինչի արդիւնքում որոշուել է կրող կոնստրուկցիաների խոցելիութեան աստիճանը հնարաւոր սեյսմիկ ազդեցութեան դէպքում:

Նշենք, որ նախագծի շրջանակներում յետազնուած եւ հաշուարկուած յուշարձանի թուլային վերլուծման արդիւնքներով յայտնաբերուել են դրա կրող համակարգի առանձին կոնստրուկցիաներում առկայ առաւել վտանգաւոր տեղամասերը: Արդիւն-

քում, հնարաւորութիւն է ստեղծուել գնահատել դիտարկուող յուշարձանի ռիսկայնութիւնը: Վերջինս անհրաժեշտ է կառուցի համար վերականգնման եւ ուժեղացման առաւել ուսուցիչ սկզբունքների մշակման համար:

Հետազոտման հիմնական արդիւնքները եւ կոնստրուկտիւ լուծումների մշակումները ստացուել են յուշարձանի ինչպէս տեղում վիզուալ յետազնման, գործիքային եւ Փօտոգրամետրիկ չափազրութիւնների, այնպէս էլ արխիւային նիւթերի հիման վրայ կառուցուած հաշուարկային մոդելների տեսական հետազոտութիւնների միջոցով:

Վերը դիտարկուած յուշարձանի համար առաջարկուած վերականգնման եւ վերօգտագործման նախագիծը չի հակասում միջազգայնօրէն ընդունուած նորմերին: Հարկ է աւելացնել, որ քանդուած մասի փոխարէն նախագծուած ծածկի կոնստրուկցիաները, ի շնորհիւ կատարուած համալիր հետազոտութիւնների, դառնալի են եւ ոչ միայն չեն վնասում, այլ նաեւ բարելաւում են կառուցի կրող համակարգի աշխատանքը սեյսմիկ ազդեցութեան դէպքում: Ծածկի գլխաւոր Փունկցիաներն են՝ պաշտպանել կառուցը միջնորոտային ջրերի ազդեցութիւնից եւ ներկայացնեն յուշարձանը իր միջավայրում իրական չափսերով եւ մաշտաբով:

Աշխատանքները իրականացուել են կիրառելով ժամանակակից համակարգչային տեխնոլոգիաները, ընդ որում կոնստրուկցիաների համակարգչային մոդելաւորումը ներկայացուել է կառուցի Ֆիզիկական մոդելին հնարաւորինս չափ մօտ նկարագրմամբ:

Ամփոփելով տուեալ աշխատանքում քննարկուած հարցերը, կարելի է փաստել, որ այսօր հանրապետութեան բազմաթիւ յուշարձաններ գտնուում են, մեղմ ասած, ոչ բաւարար վիճակում: Դրանց մեծամասնութիւնը ունի ամրակայման խնդիրներ, մի որոշ մաս էլ գտնուում է կիսաւեր վիճակում, իսկ մի քանի յուշարձան էլ փլուզման եզրին են: Ծաւօք, դրանց պահպանման, վերականգնման եւ ուժեղացման հարցերը, շատ դէպքերում, տարբեր պատճառներով, մղուած են ետին պլան:

Միեւնոյն ժամանակ, վերջին տարիներին Հանրապետութիւնում աւելի մեծ ուշադրութիւն են սկսել դարձնել յուշարձանների պահպանման եւ վերականգնման ոլորտին: Սակայն այդ բնագաւառում դեռ առկայ են շատ չլուծուած հարցեր:

Բացի այդ, անգամ յուշարձանների վերականգնման եւ ուժեղացման ժամանակ, ճնշող մեծամասնութեան ղեկավարում, աշխատանքները իրականացւում են բացայայտ խախտումներով եւ թերացումներով: Ինչպէս վերը նշուել էր, շատ ղեկավարում կիրառւում են տեխնոլոգիաներ եւ նիւթեր, որոնք համատեղելի չեն տուեալ յուշարձանի համար եւ կարող են ապագայում դրա համար էլ աւելի վնասման եւ քայքայման պատճառ դառնալ: Որոշ ղեկավարում էլ վերականգնումները կատարւում են հինը լիովին նորով փոխարինելու եւ օրիգինալը վերացնելու տարբերակով, ինչը անթոյլատրելի է պատմական արժէքների պահպանման ղեկավարում:

Կատարուած վերլուծութիւնը թոյլ է տալիս եզրահանգել, որ վերջին տարիներին Հանրապետութիւնում իրականացուած յուշարձանների վերականգնողական եւ ամրակայման աշխատանքներում հիմնականում բացակայում են յուշարձանների երկարաժամկէտ պահպանման համար նախատեսուած համակարգուած ինժեներա-կոնստրուկտորկան մօտեցումները:

Համաձայն մեր հետազօտութիւնների շատ ղեկավարում չի կատարւում կառույցների կրող կոնստրուկցիաների լարուածադեֆորմացիոն վիճակի գնահատում, ինչպէս նաեւ դրանց հիմնատակերի գրունտների ինժեներակառուցական մանրամասն ուսումնասիրութիւն: Կառույցների վերականգնման ժամանակ վթարուած կրող կոնստրուկցիաների ուժեղացման եւ վերականգնման համար չեն իրականացւում հիմնական ինժեներները լուծող, հաշուարկներով հիմնաւորուած, յստակ կոնստրուկտիւ միջոցառումներ: Բացակայում են սեյսմիկ ազդեցութեան ղեկավարում հաշուարկային տուեալները: Յուշարձաններում չեն իրականացւում համակարգուած մոնիտորինգ դիտարկումներ եւ պատշաճ ձեւով չեն որոշուած կոնստրուկցիոն նիւթերի ֆիզիկա-մեխանիկական յատկութիւնները:

Յուշարձան շէնքերի եւ կառույցների պահպանման միջազգային փորձը ցոյց է տալիս, որ պատմաճարտարապետական շէնքերի վերականգնման վերակառուցման, արդիականացման եւ կապիտալ վերանորոգման հարցերին նրանց կողմից տրւում է առաջնային նշանակութիւն, իսկ մեզ մօտ հիմնականում կատարւում են միայն վթարային վիճակի վերացման կամ վերանորոգման աշխատանքներ, առանց հետազննելու կառույցի կրող կոնստրուկցիաների լարուածադեֆորմացիոն վիճակը:

Կատարուած հետազոտութեան հիման վրայ յուշարձան շէնքերի ամրակայման եւ վերականգնման նախագծերը զրազէտ եւ ուացիոնալ մշակելու համար կատարուել են կոնցեպտուալ առաջարկներ եւ մշակուել են հետեւեալ դրոյթները՝

- Յուշարձան շէնքերի եւ կառոյցների պահպանման, վերականգնման եւ ուժեղացման դէպքում անհրաժեշտ է ստամնասիրել կառոյցի կրող համակարգի իրական լարուածադեֆորմացիոն վիճակը տարբեր բեռների ազդեցութիւնների դէպքում:
- Առաջարկուում է յուշարձան շէնքերի եւ կառոյցների վերականգնման նախագծի համար յստակ սահմանել ինժեներականատրուկտորական նախագծային պարտադիր փուլեր:
- Անհրաժեշտ է հետազօտել կիրառուող նիւթերի երկարաժամկէտ համատեղելիութեան հարցը:
- Անհրաժեշտ է մշակուել մօտեցումներ տարբեր նշանակութեան եւ վիճակի ճարտարապետական յուշարձան շէնքերի եւ կառոյցների սեյսմազինուածութեան աստիճանի բարձրացման եւ հնարաւորութեան դէպքում նաեւ ուժեղացման համար:
- Առաջարկուում է բացայայտել յուշարձանների կրող պատերում բացուածքների եւ դրանց չափսերի եւ տեղաբաշխման ազդեցութիւնը շէնքերի եւ կառոյցների պատերի լարուածա-դեֆորմացիոն վիճակի վրայ:
- Յուշարձան շէնքերի եւ կառոյցների համար, ըստ կրողունակութեան հաշուարկելիս, անհրաժեշտ է բացայայտել դրոյթներ, որոնք բնութագրում են կապը շէնքերի եւ շինութիւնների վերակառուցման, վերականգնման եւ ուժեղացման ու շէնքերի եւ կառուցուածքների սեյսմակայունութեան շինարարական նորմերի միջեւ:
- Առաջարկուում է սեյսմիկ ազդեցութեան դէպքում յուշարձան կառոյցի կրողունակութիւնը գնահատել նախնական պարզ եղանակով, որը սկզբնական հետազօտութիւններում կարող է թոյլ տալ գտնել յուշարձանի սեյսմազինման ուացիոնալ ուղղութիւնը:
- Յուշարձանների պահպանման, վերականգնման եւ ուժեղացման նախագծերում բոլոր նոր միջամտումները առաջարկուում է ընտրել այնպէս, որ դրանք վնաս չպատճառեն հին նիւթերին եւ լինեն դառնալի:

Աշխատանքը գործնականում ունի մեծ կիրառական նշանակություն, քանի որ վերջինիս հետազոտությունների արդյունքներով հնարաւոր է յուշարձան համարուող պատմական շէնքերի եւ կառույցների համար մշակել գիտականօրէն հիմնաւորուած սկզբունքներ դրանց ճարտարապետա-կոնստրուկտիւ վերականգնման, ուժեղացման եւ պահպանման համար: Ընդ որում բոլոր մշակումները կատարուել են հաշուի առնելով նմանատիպ շէնքերի վերականգնման եւ ուժեղացման դէպքում գոյութիւն ունեցող առանձնայատուկ սահմանափակումների պայմանները եւ այն հանգամանքը, որ ՀՀ-ի ողջ տարածքը գտնուում է սեյսմոակտիւ գօտում: Հաշուի է առնուելով նաեւ այն, որ վերականգնման եւ ուժեղացման ժամանակ ընտրուած բոլոր ինժեներական լուծումները եւ նիւթերը պէտք է լինեն համատեղելի տուեալ յուշարձանի համար ու նաեւ հնարաւորին չափ դառնալի:

Աշխատանքի ընթացքում մշակուած եւ առաջարկուած սկզբունքներով հնարաւոր է գոյութիւն ունեցող տարբեր վթարային աստիճան ունեցող, ինչպէս նաեւ կիսաւեր կառույցները վերականգնել եւ ուժեղացնել՝ ապահովագրելով դրանք յետագայ քայքայումներից եւ փլուզումից ինչպէս ստատիկ, այնպէս էլ սեյսմիկ բեռնուածքների ազդեցութեան դէպքում:

Եւ որպէս վերջաբան նշենք, որ շատ կարեւոր հարցերից է հանդիսանում նաեւ յուշարձանների վերօգտագործման խնդիրները, քանի որ յուշարձանները վերականգնելուց եւ ամրակայելուց յետոյ կարեւոր է նաեւ դրանց ճիշտ օգտագործումը եւ պահպանումը, հակառակ դէպքում լուծուած համարուող խնդիրները քիչ ժամանակ անց կրկին կը դառնան արդիական:

ԼՈՒՍԻՆԷ ԿԱՐԱՊԵՏԵԱՆ

Summary

IMPORTANCE OF THE STRUCTURAL ANALYSIS IN THE PROJECT OF PRESERVATION, STRENGTHENING AND REUSE OF ARCHITECTURAL MONUMENTS IN ARMENIA

LUSINE KARAPETYAN

Nowadays the strengthening, preservation, and reuse of cultural heritage around the world is considered to be one of the most important issues the solutions for which, we suppose, first and foremost, are to be found in architectural and engineering sciences, because the preservation of architectural monuments doesn't only mean the preservation and wise use, but also restoration and strengthening.

Using the latest unprecedented progressive advances in science, the direction of approaches improves every year, but there are also new problems, such as, for example, many cases of inadequate restorations of ancient buildings. Frequently, the decisions for the maintenance or repair of the current state of buildings and structures undermine the preservation of their original architectural meaning and natural materials, as well as the harmony of historic and new landscape. In addition, technical solutions chosen for the strengthening of bearing structures in most cases are not systematic and rational enough.

During strengthening and restoration of monuments, the grounds of the scientific aspects significantly improve engineering and technical solutions. Otherwise, even the most immediate, emergency restoration work would lead to serious conflict with the basic principles of the protection of cultural monuments.

In the national and in the foreign history of restoration of architectural monuments there are well-known errors that arise as a result of underestimating the problems in engineering or architectural aspects. Taking into consideration the fact that the entire territory of Armenia is located in a seismic-prone area, the above-stated has significant practical importance because existing damages in the constructions of historical monuments increase danger at seismic action.

The structural analysis in the project of preservation and reuse for architectural monument solves the major problem for engineers: to get a reliable assessment of the safety margins of existing monuments. For an existing structure, the working life already spent and desirable remaining working life may influence technical decisions. During the work on the basis of calculated studies, it is expected to evaluate any decrease in seismic risk after the measures proposed for the given structure.

The assessment of the effectiveness of interventions in historical monuments is a domain where decisions should be taken on the basis of risk analyses in order to reach a compromise between the monumental value of the building, the cost of investigations, and the probability and foreseeable consequences of a possible structural deterioration that can cause its destruction.